

## ALL'AMICU E PUETA ENZU ROMANO

Cuomu n-furmini m'arrivau notizzia  
ri la tò morti, caru amicu Enzu,  
e stralunai e nun-mi parsi veru,  
ca tutt'ora allucchisciù, si cci pienzu.

Cuomu pò mòrriri n'uomu ri curtura,  
ri ngegnu, ri sapiri e di valuri?  
Pienzu a Mistretta, muta e ncutumata,  
curpita ri sta pena e gran duluri.

Cu è ca cunta cchiù tutti ddi stori  
n-parti veri e n-parti 'i fantasia?...  
Cu è ca cchiù, nta lu dialettu antico,  
nni dilizzia cu a vera puisia?...

Tu fusti appiddaveru gran pueta  
mentri iu cu-pparoli arripizzati,  
malivustuti cuomu puarieddi,  
vaiu ncucchiannu rimi scrcagnati.

Nta st'accasioni vulissi offrirri a-ttia  
n-mazzu ri paroli artisonanti,  
ma accettali accussì pi-ccuomu sunu,  
senza raccami e senza abbillimenti.

Profumanu però r'amenta frisca,  
ri putrisinu e di basilicò,  
cugghiuti nto jardinu ri lu cori:  
c'ognunu offri, sai, chiddu ca po'.

Pi-ddàriti unuri, i mistrittisi,  
t'avissimu a-ffari n-monumentu;  
ri parti mia ca n-puozzu fari nenti  
na cosa mmeci fazzu e a spirimentu:

pallu ri tia e lieggiu li to'cosi,  
ti pienzu vivu cuomu appiccamora,  
ascutu li puisii e li to' cunti  
e rugnu speru onuri a to' mimoria.

*Graziella Di Salvo Barbera*